

que toute la terre écoutaft de fi grandes affaires, & des difcours d'une telle importance. Mais au bout, quel aueuglement! pas vn n'embrasse les veritez qu'il recognoift, pas vn ne prend pour luy le confeil qu'il approue.

Toutefois cette affemblée & le fucez qui en fut fauorable pour nous, appaifa quelque peu les efprits; les ombrages qu'ils auoient contre nous fe diminuerēt de beaucoup: on commence à receuoir nos Peres affez paifiblement dans la plupart des cabanes, & eux continuent à annoncer le nom de Dieu aux fains & aux malades. Quelques efprits de ceux qui ne font point en maladie le gouftent, & [160] mefmes quelques-vns defirent le bapteme: mais nous n'y allons pas fi vifte, il faut les efprouer, autrement nous nous mettrions en danger de faire plusieurs baptifez, mais bien peu de Chrestiens.

La mifericorde de Dieu parut dauantage fur les malades, dans le feul bourg de faint Iean Baptifte plus de 140. y furent baptifez, dont la plupart font morts, & entr'autres 40. petits enfans, dont le falut eft hors de doute. Les iugemens de Dieu font toujours adorables. Voicy ce que m'en efcriuent les Peres de cette miffion.

D'aucuns reçoient le bapteme avec vne ioye indigne, & ne fçauent comme exprimer la grace qu'ils reffentēt par des colloques amoureux, tantoft à nostre Crucifix, tantoft à l'Image du Sauueur du monde. Helas! (difoit entr'autres vn ieune homme de 25. ans) ô! le maiftre de nos vies, tu voy que ie n'ay point d'esprit, & que ie ne puis parler: dy moy donc ce qu'il te plaift que ie te die. Et d'autres quafi en mefme temps blasphement contre Dieu, ayant leur